

續山東考古錄

續山東考古錄卷之二十二

滄州葉圭綬子佩重

曹州府上

荷澤縣

周曹鄆邑 葭密邑

鄆邑故城在西北三里又名大饗城春秋昭公二十年曹公孫會自鄆出奔邾杜注曹邑魏志乘氏有大鄉城寰宇記乘氏縣大饗故城在縣西北三里故老云古之鄆城也後改爲大饗城金志濟陰有饗城鄆城誤分爲二

鄆公羊作夢

竹書紀年幽公十三年魯季孫會晉侯於楚邱取葭密遂城

之此本寰宇記引水經注引作幽王

朱氏曰當作公

十三年魯季孫

會晉文公

當作幽公

於楚邱卽葭密遂城之按葭密非楚邱紀年

考證從寰宇記未詳爲何國地

時曹久滅非衛卽宋

卽漢縣

春秋桓公十二年公會宋公燕人盟於穀邱杜注宋地左傳

公欲平宋鄭秋公及宋公盟於句瀆之邱杜注卽穀邱也水

經注濮水

自鹿城

又東與句瀆合句瀆首受濮水枝渠於句陽

縣東南逕句陽縣故城南春秋之穀邱也左傳以爲句瀆之

邱矣按句陽在曹衛之界以爲宋地已不能無疑又考襄公

十九年左傳齊靈公使高厚傅公子牙以爲太子風沙衛爲

少傅崔杼微逆光疾病而立之莊公立執公子牙於句瀆之

邱夙沙衛奔高唐以叛夫牙既爲太子無遠處宋地之理光
之來也牙不能知無由於侍疾嘗藥之時先奔他國衛爲少
傅從牙可知已至宋地何以反奔高唐是必光立而牙始出
奔不遠追執以去二十一年復討牙黨執公子買於句瀆之
邱二十八年崔氏之亂喪羣公子公子買在句瀆之邱牙買
賈經傳皆不言出奔宋又哀公十六年齊囚王豹於句瀆之
邱史記齊太公世家魯殺子糾於笙竇賈逵曰笙瀆魯地句
瀆也是當爲齊魯竟上邑或宋地有同名者酈氏本應劭漢
書注因一句字同而附會之耳未敢逕從

春秋僖公二十一年盟於鹿上杜注宋地汝陰有原鹿縣水

經注濮水

自改密北

又東北逕鹿城南春秋云云京杜並謂此亭

也按此或京氏說也今未敢從

又襄公十七年左傳衛孫蒯田於曹隧飲馬於重邱按此自

是曹衛竟上邑但杜注第云曹地不云何在舊唐志以乘氏

爲春秋之重邱蓋應劭誤以乘氏爲乘邱

詳鉅野

此重字乃乘

字形訛耳寰宇記乘氏縣下本此以廩邱爲重邱夫廩邱齊

地重邱曹地

齊別有重邱

混而一之可乎唐宋廩邱故城屬雷澤

不屬乘氏魏志乘氏有廩城其時廩邱未省乃鹿城之訛耳

竹書紀年惠成王十六年邯鄲伐衛取漆富邱城之十七年

齊田期伐我東鄙戰於桂陽我師敗遁水經注云亦曰桂陵

寰宇記宛句縣漆園城在縣北五十里卽漆城史記正義桂陵城在乘氏縣東南二十一里考水經注濮水側有漆城又有桂城又東逕衛蒲邑城又東逕白馬縣之章城又東逕長垣故城北又東逕須城北又東逕濮陽縣城南又東逕濟陰離狐縣故城北此離狐乃漢城在縣西北離狐城之西北己非縣境所有謂漆城桂陵在縣境竊所未信又煮棗城元和志稱在宛句西北四十里又陽晉城在廩丘東南近志皆謂在縣境今不從

漢兗州濟陰郡宛句縣呂都縣葭密縣句陽縣及乘氏縣地

後漢

志乘氏有鹿乘鄉卽鹿城舊說在縣東

又東郡離狐縣地

詳下

元和志濟陽故城在宛句西南今非縣

境

宛句縣故城在西南四十里漢書郊祀志黃帝得寶鼎冕侯即宛句然則句當讀如鈞矣

呂都縣故城在西南三十里今呂陵集

葭密縣故城在西北二十五里今葭密寨

句陽縣故城在北二十里今句陽店

後漢兖州濟陰郡宛句縣句陽縣及乘氏縣地離狐縣地後漢末離

狐曾置郡縣當屬之旋省魏因之黃初七年句陽為縣王國太和六年復故

王敏徙封項邪晉因之

後魏西兖州濟陰郡乘氏縣宛句縣離狐縣太和十二年復置

乘氏縣於此魏志乘氏有梁邱城是東境至今城武縣北乘氏故城仍其所有矣移離狐縣來治

後縣之
年未詳高齊因之

後魏乘氏縣卽今縣治寰宇記乘氏縣後魏太和十二年於
今理置乘氏縣取漢縣爲名 通考乘氏唐縣謨

後魏離狐縣故城在西北四十里魏志離狐有離狐城寰宇
記南華縣前離狐縣在今縣西北三十三里後魏時移於今
理蓋本其縣地也

宇文周曹州濟陰郡乘氏縣寃句縣離狐縣

隋曹州濟陰郡乘氏縣寃句縣滑州離狐縣乘氏亂廢

唐河南道曹州濟陰郡乘氏縣寃句縣南華縣武德四年復置乘氏

縣又析置陽晉縣尋省入乘氏天寶元年改離狐爲南華五代

因之

陽晉縣故城在西北三十七里新唐志乘氏下武德四年置陽晉縣史記正義陽晉故城在乘氏西北三十七里蓋誤以唐縣爲古邑也

宋京東西路興仁府濟陰郡乘氏縣宛亭縣南華縣元祐元年改宛句爲宛亭

金山東西路曹州治濟陰縣大定六年省乘氏入濟陰八年濟陰城圯於河來治後魏乘氏故城州治並徙宛亭城亦圯於河省入濟陰州本隸南京路太和八年屬

通考曹州金隸河南道誤

元直隸都省山東曹州治濟陰縣州初隸東平路至元二年析

隸省部

明山東布政司兗州府曹州洪武元年廢濟陰縣其地直隸於
州徙治今曹縣之安陵鎮今縣仍爲曹州地

又徙今曹縣

州降爲縣

又爲曹縣地正統十年復置曹州於後魏乘氏故城

明志曹州正統十年十二月以曹縣之黃河北舊土城置按
縣南有俗離河卽賈魯河下流非黃河 一統志曹州元濟

陰縣舊治

國朝山東布政司曹州府治荷澤縣初因明舊雍正二年曹州
直隸布政司十三年升府並置荷澤縣爲府治

曹州志

康熙十三年修知州佟企望
置荷澤縣後尙無縣志

古蹟最蕪雜州舊領

曹定陶兩縣既不依府志例並所屬一體纂修獨載二縣
古蹟又不明白分屬竟似盡在本州境者甚不合 明代
廢縣州又降縣又別置州再遷而治今曹縣三遷而州自
州縣自縣兩地沿革古蹟遂至混淆莫辨紀要將乘氏句
陽桂陵陽晉諸城槩列曹縣此志並及柘縣南燕平陽等
城又非州境所有矣

曹縣

古賁國一作賁商都景亳又莘國周宋賁邑

楚邱邑

北境有曹國地

東境有戎州地

賁國故城在

里禮記明堂位崇鼎賁鼎寰宇記濟陰縣

賁城古賁國也明堂位云云春秋僖公元年盟於賁杜注宋地梁國蒙縣西北有賁城賁與賁字相似水經注汴水又東逕賁城南俗謂之亳城非也闕駟十三州志以爲賁城也春秋云云杜預云云賁在齊爲賁澤是非此也按賁公羊作賁澤道元以爲在齊今未詳其地漢有賁齊合侯傳胡害卽此城紀要引舊志云賁城在濟陰縣南據金縣言六十五里以爲在今縣西十里括地志謂在濟陰南三十里再考

書至于亳鄭康成云今河南偃師蔡傳在宋州穀熟縣春秋莊公十三年公子御說奔亳杜注宋邑蒙縣西北有亳城又二十一年公會諸侯盟於薄哀公十四年傳宋公曰薄宗邑

也則薄卽毫矣漢志薄縣下臣瓚曰湯所都按晉時薄縣省入蒙故杜預云然孟子湯居毫與葛爲鄰春秋桓公十五年葛人來朝杜注葛在梁國寧陵縣東北卽今河南寧陵縣曹縣西南與接壤穀熟爲南毫西北去寧陵固不遠先賢謂偃師去寧陵八百餘里湯不能使民爲之耕以南毫爲湯都不知蒙毫去葛僅四五十里較南毫尤近蒙毫卽景毫又稱北毫故城在汴渠北卽漢薄縣縣屬山陽郡山陽乃水經注云屬縣無在汴南者汴水卽汴今黃河自貫城又東逕蒙一本此字訛作遼蓋逕字重山又訛又脫蒙字縣故城北俗謂之小蒙城西征記城在汴水南十五六里又東逕大蒙城北自古不聞有二蒙疑可見非定論卽蒙毫也所謂景毫

爲北毫矣按據此是毫在蒙東與杜注不合其誤甚明而汲水實延薄縣南上文並未之及其所謂貫城其時實名毫城乃以爲俗名而以當貫城反以大蒙爲毫城不知此卽景毫北毫蒙毫漢薄縣城耳紀年考證三代毫地圖此毫亦在汴北與余說合而仍遵鄭注以大蒙爲景毫然則南北二毫之北多一毫矣殊不合

據杜預說貫與毫皆在蒙縣西北疑縣爲大蒙城而小蒙城卽貫城不然以古

蒙邑漢蒙縣不應反得小蒙之名貫城近蒙因名小蒙隋初貫城名蒙澤縣疑貫本有蒙稱也備考

莘國故城在北十八里今莘仲集孟子伊尹耕於有莘之野春秋僖公二十八年左傳城濮之戰晉侯登有莘之墟以觀晉師又晉師陳於莘北杜注國名按晉方滅曹而南救宋遇

楚師避之三舍而次城濮莘國在此無疑元和志莘仲故城在濟陰縣東南三十里卽此城其陳留縣又云故莘城在東北三十五里乃春秋時神降於莘之莘此城南近景亳伊尹所耕當在此四書釋地謂在彼似誤若陝西郃陽縣南二十里有莘國城又詩續女維莘之莘矣

楚邱邑故城在東北

楚邱集北三十里

春秋隱公七年戎伐

凡伯於楚邱以歸襄公十年宋公享晉侯於楚邱皆此地漢志成武下以爲衛文所遷杜預酈道元皆從之前錄已辨其

誤

前錄辨此爲曹邑非衛邑謂衛邑在今滑縣開州之間考水經注濮水支津東逕鉏邱城南京相璠曰今濮陽城西

南十五里有沮邱城六國時沮楚同以爲楚邱非也案衛自漕邑遷楚邱又遷帝邱漕邑漢白馬縣地帝邱卽今開州東

南漢陽城北沮邱在漢陽西南十五里卽楚邱矣濟出爲澧
通作沮竹書紀年魯季孫會晉侯於楚邱取葭密葭密在今
荷澤西北二十五里西北至此楚邱五六十里是此城正作
楚邱又爲衛地寰宇記曰楚邱城在衛南縣西北四里詩云
定之方中作於楚宮城象記齊桓公作楚邱之城卽此衛南
縣卽衛漕邑故城隋初於彼置楚邱縣後以曹州有楚邱縣
改爲衛南據此衛楚邱在彼不在此古有明文酈氏泥班杜
誤說反以是爲非而以非爲是寰宇記則兩地皆以爲衛楚
邱又但以爲曹邑未知何據路史以爲宋地宋公享晉侯於
不合

此似可信又以爲卽已氏邑再考

漢兖州山陽郡薄縣及成武縣地楚邱濟陰郡定陶縣地左城詳下又

豫州梁國己氏縣

薄縣故城在南二十五里

己氏縣故城在東南四十里今楚邱集

後漢豫州梁國薄縣兖州濟陰郡已氏縣及成武縣地定陶縣

地魏薄縣未詳省否

後漢建初四年以薄已氏益梁國未詳已氏何時還屬

晉兖州濟陰郡已氏縣及成武縣地定陶縣地豫州梁國蒙縣地

後魏西兖州治濟陰郡治左城爲定陶縣地州初置於縣城後

與郡並來治又沛郡治孝昌城興和二年置

未詳時爲何縣地

又所屬

已氏縣又北譙郡寄治已氏縣屬揚州永平元年置又安陽縣

高齊廢北譙沛二郡及安陽縣已氏縣周改西兖州曰曹州

左城在西北六十里

左山之陽

又名葬城元和志曹州下後魏於

定陶城置西兖州周武帝改曹州按魏志西兖州後徙左城

水經注濟水東北逕定陶恭皇陵南濱南魏郡治也世謂之左城則州郡同徙左城矣

孝昌城在西四十里今沛郡都魏志西兗州沛郡治孝昌城隋志濟陰下後魏置沛郡考後魏無濟陰縣此城隋時屬濟陰疑亦定陶地

安陽縣故城在東北里楚邱集北三十八里魏志北譙郡有安陽

縣隋志楚邱縣後魏於此置北譙郡魏志沛郡已氏下有安陽城蓋北譙郡寄治已氏而已氏並不屬之安陽則置於古安陽城也或謂北譙郡自治安陽縣隋時仍爲楚邱地故志云然備考通鑑朱義行至安陽胡注師古曰今相州安陽

縣索隱曰傳寬傳云從攻安陽杠里則當俱在河南師古以爲相州縣按此兵猶未度河不應卽至相州安陽後魏書地形志已氏有安陽城今宋州楚邱西北四十里有安陽故城是也余按寰宇記楚邱縣安陽城在縣北三十八里城冢記云楚漢相守築此城胡注允矣但宋義至此時楚漢尙未相守此城似戰國邑城也 寰宇記後魏改已氏爲北譙郡誤

隋

曹州濟陰郡

治濟陰縣

宋州梁郡

楚邱縣開皇四年復置已氏縣六年

改楚邱十六年析定陶於州治置濟陰縣又於貫城置外黃縣十八年改蒙澤大業二年省入濟陰

隋志濟陰下後魏置沛郡後齊廢考隋濟陰縣乃後魏濟陰

郡治沛郡自治孝昌城此誤也開皇十六年置縣見寰宇記
志亦漏載通典曹州下後魏置沛郡及西兗州與魏志顯不
合與隋志皆因魏志西兗州首沛郡致誤

括地志貫城今蒙澤城是也

唐河南道

曹州
濟陰郡

治濟陰縣武德四年復置蒙澤縣貞觀元年

省定陶蒙澤入濟陰又

宋州
睢陽郡

楚邱縣初屬戴州貞觀七年來

屬光化二年屬輝州五代梁還隸宋州晉開運二年升曹州爲
威信軍漢復故周廣順二年升彰信軍

舊唐志曹州下武德四年并置蒙澤普陽二縣其年省普陽
疑卽安陽改通典濟陰下漢濟陰郡城今縣是也按漢郡

治定陶縣 通考唐改爲濟陰縣誤

宋京東西路興仁府濟陽郡彰信軍節度治濟陰縣太平興國二年復析置定陶縣建中靖國元年改軍曰興仁崇寧元年升興仁府軍還故號大觀二年升督府政和八年復爲輔郡又應

天府楚邱縣崇寧四年屬拱州

本襄邑縣是年置州

大觀四年復故

拱州廢

政和四年仍屬拱州

是年復置州

宣和二年復故

拱州又廢

金南京歸德府楚邱縣及山東西路曹州濟陰縣地大定八年

縣徙後魏乘氏故城州並徙

元直隸都省山東曹州楚邱縣又濟陰縣地

明山東布政司兗州府曹州曹縣洪武元年

濟陰縣廢

州來治安陵

鎮二年移磐石鎮廢楚邱縣其地直隸於州四年州降爲曹縣

屬濟寧府正統十年

復置曹州

隨曹州來屬

洪武元年曹州故城在西北七十里本安陵鎮古穰侯城水

經注濟水

自宛句南

又東逕秦相魏冉塚南秦宣太后弟也卒於

陶因葬焉世謂之安平陵寰宇記濟陰縣穰侯城在縣

左西城

十七里卽此二年所徙卽今縣治 明志曹縣下元曹州治

濟陰縣洪武元年省入州二年州治自北徙磐石鎮四年降

爲縣按元州縣並因金治卽今荷澤縣明初南徙安陵非北

徙此北字當是此字之訛一統志通志府縣志並云元年徙

安陵史少此一徙或以爲時無幾不之數歟

國朝山東布政司曹州府曹縣初因明舊雍正二年屬曹州直隸州十三年州升府仍屬

縣志

康熙五十五年修知縣郭道生

沿革商代北境爲南燕國誤

詳雜考

漢於定陶西北置濟陰縣誤 古蹟孟海公城在左山

側唐濟陰縣誤

互詳雜考

定陶縣

古陶國夏三醜國周曹國都後入宋戰國入魏仍曰陶又曰定陶又名釜邱

說文陶邱有堯城堯嘗居之後居於唐漢書高紀薛瓚注堯初居於唐後居陶竹書紀年堯八十九年作游宮於陶九十

年帝游居於陶寰宇記引雜說定陶卽帝堯之所都宋永初
山川記堯先居唐後居陶余謂堯以唐侯入繼大統而葬在
成陽晚年居陶近是 尙書序湯伐三醜孔安國注今定陶
後漢志定陶有三醜亭元和志濟陰縣古曹國在縣東北四
十七里三醜亭在縣東北四十九里是亭在定陶故城東北
二里也寰宇記三醜亭在定陶東北三十里衍十字近志以
爲卽曹國城似誤又左傳舜封董父於醜川或以爲卽三醜
也醜一作變 史記曹叔世家武王封叔振鐸於曹注宋忠
曰今濟陰一本誤作陽定陶縣漢志定陶故曹國元和志古曹國
故定陶城是也曹滅於宋曹於春秋末已滅而孟子曹交問曰趙岐注以爲曹君之弟觀其欲

見鄒若孟子不聽受業頗似挾貴之流
四書釋地謂如田氏封薛理或然也 宋滅後地分入齊魏

楚戰國策楚人說頃襄王外擊定陶則魏之東外棄是地析

入魏定陶名起於戰國也 竹書紀年今王九年薛侯來會

王於釜邱水經注陶邱墨子以為釜邱 秦穰侯魏冉邑於

陶魯仲連陶衛並稱其時儼自為國侵剛寧陽北及壽東平西南以

廣陶封陶國且踰春秋魯衛矣晉司馬奇貶三縱
亭侯疑即三讓

漢兗州濟陰郡治定陶縣高帝五年為梁國治彭越都此高帝
十年以反誅十

一年高帝子拔封梁
王以後梁國不治此 景帝中六年分梁國置濟陰國後元元年

國除王不識立一年薨無後中六年後
即後元元年也漢書表誤作七年 為濟陰郡宣帝甘露二

年改名定陶國四年復為郡王罷徙楚 成帝河平四年復為定陶國

共王康白山哀帝建平二年國除為濟陰郡共王卒子欣立入陽徙封於此

也成帝封楚孝王孫景於此奉共王祀建平二年尊共王為恭皇立廟京師景徙信都定陶國除後漢初為定

陶國尋除為郡仍名永平十五年復為濟陰國建安十一年國

除為郡永平十五年劉長封濟陰王立十二年於元和元年卒無後延光三年安帝廢太子保為濟陰王四年即皇帝

位是為順帝此後無封濟陰王者獻帝紀濟陰國除為郡在十

建安十一年蓋國未立王仍名國以待封至此始改為郡也

七年復為國魏黃初元年復為郡三年復為國太和五年定陶

為縣王國彭城王據徙封濟陰復為郡六年定陶國罷復進封

晉因之晉書齊王冏傳以子冰紹樂安王後以濟陰萬一千二百一十九戶改為廣陽國冏敗廢考惠帝紀永寧元年

封齊王冏子冰為樂安王英為濟陽王無冰改封廣陽之說廣

陽即濟陽之訛晉書有濟陽郡無濟陰郡亦因此致誤冏敗濟

陽即廢補東晉志以此陽字為陰之

訛是也東晉又有濟陽郡治滑臺

定陶縣故城在西北五里史記穰侯列傳卒於陶秦復收陶
爲郡蓋穰侯封此爲國秦復以屬郡非於陶置郡也

後魏西兗州治濟陰郡治定陶縣治左城今爲曹縣地孝昌三年於郡置

西兗州後州郡並徙左城齊周因之周西兗州改曹州

魏志定陶有定陶城未詳徙治何所

隋曹州定陶縣開皇十六年析置濟陰縣

唐濟陰縣地貞觀元年省定陶入濟陰爲定陶鎮五代因之

寰宇記唐三百年定陶只爲鎮戊周廣順中建燠庾權鹽利

宋京東西路廣濟軍治定陶縣乾德元年於濟陰定陶鎮置發

運務開寶九年茲從宋志寰宇記及通考並作元年改轉運司太平興國二年置

廣濟軍復置定陶縣

宋志無置縣之年寰宇記稱太平興國四年其定陶縣下又作五年爲軍治

熙寧四年廢軍縣屬曹州元祐元年復

九域志定陶在州東北二十七里其時曹州治左城證以元和志當作四十七里然元和志又稱古定陶城在濟陰東北三十七里與曹國城去州之數又自互異以今考之三十七里爲是九域志闕一畫耳

若然則三驤亭當在定陶故城東北十二三里寰宇記之三十里乃

十三字倒文備考

寰宇記轉運使張去華奏請分曹單濮濟四州

之境民置定陶縣以利軍按曹之濟陰外當是單之成武濟之鉅野濮惟雷澤差近而中隔乘氏或有牙錯處也

金山東西路曹州定陶縣

金志定陶本宋廣濟軍熙寧間廢爲定陶縣按軍治定陶非廢軍改縣軍廢復置非熙寧後終廢也通考廣濟軍金領縣一是金初軍猶未廢矣

元直隸都省山東曹州定陶縣

明山東布政司兗州府曹州定陶縣洪武元年屬濟寧府十年省入城武十三年復正統十年隨曹州來屬

明定陶縣卽今治府志成化十年知縣沈紹祖築土城於此國朝山東布政司曹州府定陶縣初因明舊雍正二年屬曹州直隸州十三年州升府仍屬

縣志

乾隆十七年修
知縣雷宏宇

志多杜撰摘駁如左

舜封堯庶子

秦龍氏於陶邱按左傳秦龍氏名董父乃颺叔安之裔子

漢書曰湯伐三驪改其國曰曹 劉宋屬濟陰郡按宋

無此地 後周改濟陰郡爲曹州按周郡猶領於州改西

兗州爲曹州而郡如故 成陽城史記地理志云昔堯作

游成陽注云成陽在定陶按此漢書地理志語非史記注

是如淳注其時成陽屬定陶國非在定陶縣也 三驪亭

漢書曰曹國有三驪亭按此似引後漢書郡國志而誤然

在此志尙屬最有依據者 昔湯伐三驪及振鐸之封作

亭志湯以仁興桀以虐敗按竟不知亭是鄉亭 重邱卽

此 遂國在蛇邱今鉅野定陶界有蛇邱 州公姜姓國

在濟陰定陶縣桓公五年州公如曹師古漢書注曰淳于
曰定陶 以上諸條繆妄已極而通志府志竟有承用之
者

續山東考古錄卷之二十三

滄州葉圭綬子佩甫述

曹州府中

鉅野縣

周魯咸邱邑

垂葭邑一名邾氏

東南當有古甲父國地詳金鄉

春秋桓公七年焚咸邱杜注高平鉅野縣南

後漢志劉昭引誤作西

有

咸亭水經注黃水自鉅野縣北

此非漢縣城

又東逕咸亭北水南

有金鄉山

今本脫山字

縣

之東界也按金鄉山卽今嘉祥焦氏

山南諸山咸亭在其北黃水之北縣北諸澤漚水東流逕焦

氏山北卽黃水故道咸邱當在縣東境或嘉祥界內從舊說

係此今府縣志圖咸邱在今縣南似誤

公穀以爲縣邑

又定公十三年齊侯衛侯盟於垂葭左傳垂葭實鄭氏杜注

垂葭改名鄭氏高平鉅野縣西南有鄭亭後漢志劉昭注引

以爲齊伐晉之所誤今未詳爲何國地

公羊作垂葭

又哀公十四年左傳西狩於大野杜注在鉅野縣東北大澤

是也按禹貢大野既豬爾雅十藪魯有大野元和志大野澤

在鉅野縣東五里南北三百里東西百餘里按縣得名以此

而大野非魯邑名故不書茅鄉城近志皆係鉅野蓋本春

秋僖公二十四年傳凡蔣邢茅胙祭杜注實誤也

詳魚臺

漢兖州山陽郡治昌邑縣景帝六年分梁置山陽國武帝建元

五年改爲郡

哀王定無後

天漢四年改昌邑國宣帝元年國除

王賀入爲

昭帝後廢歸故國賜湯沐邑二千戶國除

復爲山陽郡又鉅野縣濟陰郡乘氏縣

昌邑縣故城在南少東六十里元和志稱在金鄉縣西北四

十二里金志金鄉有昌邑鎮割隸鉅野當在金後通鑑胡

注以成武之梁邱邑城爲昌邑城蓋誤看漢志昌邑下有梁

邱鄉之文也元和志梁邱城在城武縣

鉅野縣故城當在東北水經注引何承天曰鉅野湖澤廣大

南通洙泗北連清濟舊縣故城正在澤中故欲置戍於此城

之所在則鉅野澤也按杜預稱咸邱在縣南咸邱在黃水之

南而南有金鄉山則縣當在今縣東北嘉祥北有故縣山當

卽近鉅野故縣之山也俟再考

乘氏縣故城在西南五十餘里寰宇記乘氏縣稱前縣在鉅野西南五十七里近志以今菏泽當之非也 漢志乘氏下應劭曰春秋敗宋師於乘邱按漢乘邱縣屬泰山郡顏師古以爲魯敗宋師之地蓋公子偃自鄆門竊出蒙皋比而先犯之公從之大敗宋師於乘邱其地去魯城數十里止矣乘邱在今滋陽西三十里情事最合乘氏縣去曲阜二百數十里追敗何須至此耶乘氏乘邱地不同名不同所屬不同一字偶合而武斷之營陵營邱薄姑姑幕句瀆句陽大率類此不足據也水經注亦沿應氏之誤隋竟於古乘氏改置乘邱縣

愈重其繆舊唐志訛乘作重寰宇記遂以廩邱爲重邱紀要
又稱古乘邱城在今曹縣西北五十里通志又謂在嘉祥並
云與瑕邱相近應氏一誤展轉錯互直至於此

後漢兗州治山陽郡治昌邑縣建武初爲山陽國永平初爲郡

王荆徙封廣陵

又鉅野縣濟陰郡乘氏縣後漢末移州治鄆城魏因之

晉兗州高平國治昌邑縣武帝太始元年改山陽郡爲高平國
又鉅野縣濟陰郡乘氏縣

晉志高平國故屬梁國晉初分山陽置按漢分梁置山陽不
得云高平國故屬梁漢郡領縣十晉國領縣七東緒瑕邱防
東三縣皆省是改名非分置或曰晉初封陳壽爲高平郡公

本分山陽置後并山陽未可知也備考

劉宋兗州高平郡鉅野縣及金鄉縣地

昌邑省入

劉宋鉅野縣故城在南一里據村預咸亭在南之說知晉初

猶漢治據何承天說知宋縣已徙元和志虫尤墓在鉅野縣

東北九里

此虫尤肩髀冢皇覽所謂與闕冢等者寰宇記中都縣古闕邱皇覽冢墓記云鄆州壽張縣闕城中

有虫尤冢今屬濟州鉅野是兩虫尤冢混爲一今縣東北八里俗稱麟塚者即虫尤

冢麟塚古地理書皆不載以凶人之骨受仁獸之名矣劉宋迄唐縣未徙治舊說古城

在縣南一里說自可從禹貢錐指稱在縣西且以爲漢縣似

誤 晉書廢帝太和四年燕高平太守舉郡降又孝武帝太

元十二年高平人翟暢執太守徐含遠以郡降翟遼東晉已

改國爲郡安帝時又有高平相劉懷肅竺朗之高平本郡公之國故國郡通稱耳

後魏兖州任城郡鉅野縣及高平郡金鄉縣地西兖州濟陰郡

乘氏縣地

詳荷澤

齊周末詳

魏志鉅野有鉅鹿城按宋已非漢治當有鉅野城郭璞山海

經注鉅鹿今在高平是晉人已以鉅野爲鉅鹿也

魚尤兩篆似皆因此

附會此鉅鹿城疑卽漢縣城 隋志鉅野舊廢當是齊廢未詳

省入何縣西境東南境齊周當仍爲乘氏金鄉地

隋鄆

州

鉅野縣及

曹

濟陰郡

金鄉縣地開皇十六年復置鉅野

縣又析置乘邱縣析金鄉復置昌邑縣大業二年省乘邱入鉅

野省昌邑入金鄉

隋乘邱縣當卽漢乘氏城紀要以爲隋縣非漢縣誤謂漢乘氏城在曹縣故耳

縣志昌邑故城東北數里有昌邑新城隋縣或治此

唐河南道

鄆州東平郡

鉅野縣又

兗州魯郡

金鄉縣地武德四年於鉅野

置麟州復置乘邱縣屬之五年復置昌邑縣屬戴州廢麟州鉅

野乘氏屬戴州

據舊唐志也新唐志是年卽屬鄆州似誤

八年省昌邑入金鄉貞觀

元年省乘氏入鉅野十七年來屬五代梁唐晉漢因之

寰宇記鉅野縣隋置麟州舊唐志鉅野下隋升縣爲州并誤

不書州名何耶

元志濟寧路唐麟州周於此置濟州似終唐世鉅野

爲麟州治矣不合

後周河南道濟州治鉅野縣廣順二年析鄆州置又金鄉縣地
唐之濟州治漢東郡之荏平縣也而元和志通典混入漢之
濟北國周濟州治與漢濟北國愈無干涉矣而寰宇記仍追
敘唐漢又混入宇文氏之肥城郡縣志古蹟有蛇邱有遂國
誤皆因此也

宋京東西路濟

州陽郡

防禦治鉅野縣及金鄉縣地金天德二年

徙州治任城縣省鉅野縣

元都省山東濟寧路鉅野縣至元六年復置

駙馬囊家真請復置縣見濟寧總管

府碑

濟州還治八年升濟寧府復治任城又還治十二年復立

濟州於任城十五年府治徙任城以鉅野縣行濟州事府又還
治州復治任城十六年升府爲路置總管府至正八年徙路治
任城

元鉅野縣卽今治通志至元八年徙本邢家務

志據元李國厚

明山東布政司兗州府濟寧州鉅野縣初屬濟寧府洪武十八
年隨州來屬

國朝山東布政司曹州府鉅野縣初因明舊雍正十三年屬

縣志

康熙四十七年修知縣章宏

志多杜撰摘駁如左 商遂國

周武城地 古遂國卽定陶今之巨野也 商封舜後

於此 魯濟今鉅野縣 春秋莊公三十年冬及齊侯衛

侯次於垂葭 漢山陽泰山二郡相鄰東漢省乘邱入鉅

野 梁邱城昌邑刺史治以上皆杜撰 費亭城千秋城胡陸

城皆不在縣境 山陽昌邑高平郡三城實一城

鄆城縣

周魯西鄆邑

西境有衛地

春秋成公十六年公自沙隨還待於鄆杜注廩邱縣東有鄆

城按公羊傳作運魏志濟州壽張有雲城卽此卽周清澤縣

又九年城中邱杜注在東海厚邱縣東南傳寫者訛厚作廩

通志遂誤謂中邱在鄆城 齊廩邱衛羊角皆在范縣境衛

陽晉魯高魚或在縣西境亦無的據並詳范縣 寰宇記鄆城下

有單父城因後漢志廩邱單父二縣相次誤以單父爲廩邱注文耳其單父縣並無異說

漢兗州東郡黎縣

黎縣故城在西二十餘里

廩邱
陂中

水經注瓠子河

自陽
晉城

又東逕

黎縣故城南孟康曰今黎陽也薛瓚言黎陽在魏郡非此黎

城也世謂黎侯城昔黎侯寓於衛詩所謂胡爲乎泥中毛云

泥中邑名疑此城也土地汙下城居小阜魏濮陽郡治也瓠

河又東逕嵇縣故城南王莽謂之萬歲矣世猶謂之萬歲亭

也

晉有萬歲鄉
及萬歲亭侯

瓠河又東逕鄆城南京相璠曰今東郡廩邱

縣東八十里卽此城也按舊說並云泥中中露二邑名余謂

以地居汙下而云然耳如二皆邑名黎侯爾時居泥中耶抑

居中露耶元和志黎邱在鄆城縣西四十五里寰宇記通利

軍黎陽縣云東黎故城本黎侯之居處一名東離狐字疑城

隋開皇中置廩邱縣在鄆城西四十五里側近卑溼城居小

阜詩云胡爲乎泥中蓋黎侯寓居之處魏永安二年分黎陽置東黎縣非此黎城

樂氏不係此而今縣西廩邱陂中有古城去古鄆城四十許

里地居汙下其爲漢黎縣城甚明近志誤以爲古廩邱城蓋

不知隋置廩邱於此也古廩邱尙在其西三十許里不在縣

境臨邑志稱後漢省此黎縣入漯陰誤以此黎邱爲齊黎邑也據酈注秣縣故城在黎

東鄆西瓠河北縱非今縣治約相去不遠而後漢志劉昭注

稱在成武北

詳成武

並存俟考

後漢廩丘縣地

後漢志廩丘有運城黎城在鄆城西當省入廩丘

魏晉因之

後魏司州濮陽郡治黎縣故城爲廩丘縣地又濟州東平郡壽

張縣地

見前高齊因之

宇文周魯州治東平郡治清澤縣州後廢

清澤縣故城在東十三里

隋

鄆州東平郡

治鄆城縣開皇初廢東平郡四年改清澤爲萬安縣

析置廩丘縣於黎縣故城十年於萬安縣置鄆州十八年改萬

安爲鄆城後省廩丘入之大業二年改鄆州爲東平郡

隋志鄆城下後周置清澤又置高平郡開皇初郡廢改縣曰

萬安十八年改曰郡併廩邱入焉鄆城大業初置按齊周高平郡皆治任城而後魏有兩東平郡一治漢東平國城齊移於博一治范縣

古秦城

齊廢周復於此置非高平郡也十八年

改爲郡當是改曰鄆城大業初始盡改州爲郡不在開皇十八年且但云改曰郡郡何名耶舊唐志開皇十八年改萬安爲鄆城可證其誤鄆城並非大業初置當是大業初置東平郡耳 舊唐志鄆城漢壽良地隋改萬安縣元和志則謂後漢魏皆壽張縣地開皇四年改爲萬安縣十六年於此置鄆城縣考鄆城前漢當爲黎縣地後漢爲廩邱地魏晉同後漢志及京杜說有明據後魏始割隸濟州壽張與兗州壽張無

涉以爲漢壽良地可乎元和志云云竟似隋改壽張爲萬安
又別置鄆城者何其繆耶 寰宇記鄆城漢魏壽張縣地後
周置高平郡後并入廩丘縣隋開皇四年改爲萬安十六年
於此置鄆州六字衍按此又似周并壽張入廩丘隋改廩丘爲
萬安矣繆愈甚

唐河南道鄆州鄆城縣貞觀八年移州治須昌天祐二年改
名萬安五代梁因之唐復故晉漢因之周屬濟州

新唐志鄆城天祐二年改爲萬安五代史周廣順二年割鄆
州之鄆城屬濟州蓋梁太祖父名誠避嫌名而改後唐旋復
故也

宋京東西路濟州陽郡鄆城縣

宋志鄆州有還治鄆城之說宋鄆城始終屬濟州史誤互詳東平

金山東西路濟州鄆城縣

金鄆城縣卽今治金志鄆城大定六年五月徙治盤溝村以

避河決時河決陽武由縣境東流滙入梁山泊

元都省山東濟寧路鄆城縣

明山東布政司兗州府濟寧州鄆城縣洪武初屬濟寧府十八

年隨州來屬

國朝山東布政司曹州府鄆城縣初因明舊雍正十三年屬

縣志康熙五十五年修知縣張盛銘志多杜撰摘出如左 須昌魯邑

在鄆之西今縣東十餘里宋時淪陷之鄆州按竟不知須

昌在今東平州而以古鄆城當之府志同廩邱卽尼谿遍

考不得所本單父邑秦單父縣西漢始改廩邱單父屬

山陽郡按此沿寰宇記之誤而杜撰西漢云云竟似漢改

單父名廩邱而別置單父者晉鄆爲濮陽國此因後魏

濮陽郡治黎城而杜撰者劉宋以鄆城入廩邱元魏

復析置鄆城縣齊周清澤縣卽今縣城按下文金徒盤

溝村何地耶齊並無此縣煬帝時西境屬廩邱按廩邱

開皇時省五代唐復曰鄆城按不先書天祐改萬安甚

不合有歷代沿革圖尤乖外無理盤溝稱郡他不足與之辨矣

單縣

周魯單父邑宋防邑後入魯

又名西防

史記仲尼弟子列傳宓不齊爲單父宰元和志單父縣古魯

邑漢以爲縣

路史單父帝舜師單卷所居故號單父

顏師古音

善甫如羅氏說當讀如父老之父矣

周成王封少子臻於此爲單子國元魏地

形志云有單襄公祠是也按單襄公周卿士畿內國魏志離

狐下有宓子賤祠又有單襄公祠詎周畿內有魯邑耶魯滅

天子之卿士取其采地爲己有耶必不然矣則亦俗傳耳

西防邑故城在北四十許里春秋隱公九年辛巳取防杜注

宋地高平昌邑縣西南有西防城寰宇記單父縣西防故城

在縣北四十九里漢爲防置兵戍於此按通典亦稱漢西防

城考後漢書劉永傳有西防賊倭彊章懷注誤以爲漢縣名

漢兖州山陽郡單父縣平樂縣及昌邑縣地防

單父縣故城在南半里

平樂縣故城在東四十里魏志離狐有平洛城卽此

襄宇記作平城

後漢兖州濟陰郡單父縣

建初四年益梁國永元五年還屬

山陽郡防東縣防

疑當屬防東未詳省否黃初五年單父爲縣王國太和六年

復故

土字徙封燕

防東縣故城在東北二十許里今防城村後漢書章懷注防

東故城在金鄉縣南防城村在金鄉西南又在西防東南蓋

後漢以西防之東名縣也

晉兗州濟陰郡單父縣及山陽郡昌邑縣地

晉金鄉仍漢治防東縣當爲昌邑地

東晉僑置離狐縣於單父縣城

魏志北濟陰郡治單父城離狐下云晉亂置郡治蓋僑置離狐縣於單父城非別築城也紀要稱離狐城在縣西北二里非是北濟陰郡劉宋所置晉蓋僅立僑縣或省單父爲之或與單父同治皆未可知

劉宋徐州北濟陰郡治離狐縣孝建元年置郡後魏因之高齊郡縣並廢與周皆未詳爲何縣地

元和志單父下但稱後魏北濟陰郡理單父城甚爲疎漏

隋曹州濟陰郡單父縣開皇六年復又金鄉縣地

舊唐志單父下隋於縣置戴州大業廢考隋志置戴州於成武不於單父元和志兩縣並云隋置戴州疑誤

唐河南道宋州睢陽郡單父縣武德四年析置高鄉鑿城二縣並屬

戴州尋皆省入單父貞觀十七年來屬光化二年屬輝州三年

徙輝州來治此據新唐志及五代史寰宇記稱朱梁開平初於單父置輝州似誤置崇德軍又兗州

魯郡金鄉縣地五代梁因之唐同光二年改輝州曰單州晉漢周

因之五代後防東故城未詳何時析入縣

舊唐志單父下武德四年復置戴州元和志作五年據新唐志唐於

城武置戴州後徙金鄉無於縣置之說

高鄉縣故城在西北二十五里今高鄉店

本後漢侯覽封邑

鑿城縣治未詳

宋京東西路

單州
碭郡

團練治單父縣建隆元年

此據宋志九
域志作二年

升爲

團練

金南京路單州治單父縣

元都省山東濟寧路單州治單父縣州初隸濟州憲宗三年屬
東平府至元五年還屬十六年屬路初廢單父縣其地直隸於
州至元二年復置

明山東布政司兗州府單縣洪武元年廢單父縣其地直隸單
州屬濟寧府二年降爲縣十八年來屬

國朝山東布政司曹州府單縣初因明舊雍正十三年屬

縣志

乾隆二十四年修
知縣普爾泰

沿革稱魏北濟陰郡治單父城乃

置於漢離狐城者繆甚

城武縣

周郛國後入宋又宋梁邱邑

郛國故城在東南十五里又稱北郛城春秋隱公九年公敗
宋師於營辛未取郛杜注濟陰成武縣東南有郛城按莊公
二十年經書郛子來朝則隱公時郛未滅也此所取疑宋先
得其旁邑非其國城後世有南北二郛城北國南縣或古已
有兩城魯所取爲南郛歟 通典考城下云又有北郛城按

考城前漢留縣此似因考郛音近誤以爲南部城故係北部城於考城也

梁邱邑故城在東北二十五里

此據元和志括地志作三十二里

春秋莊公

三十二年宋公齊侯遇於梁邱杜注宋地在高平昌邑縣西南水經注作梁山城筆誤也寰宇記城武有梁邱山誤因此通考城武有堂溝衛堂邑所謂望楚與堂者雖本水經注然縣境不能有衛地亦因楚邱附會者今不取

漢兗州山陽郡成武縣郛城縣及昌邑縣地

梁邱

成武縣卽今治

郛城縣故城在東南二十里又稱南郛城

後漢志成武下劉昭注地道記曰有秭城元和志城武縣故

秭城在縣西北二十九里據水經注則秭城當在今鄆城境

又水經注黃溝支流

自城武縣城西

又東北逕鄆城東疑鄆徙也又

東北逕梁邱城西是鄆城在城武北梁邱西準其地望卽地

道記所謂秭城未詳孰是劉宋泰始二年辟安都以彭城降

魏魏遣尉元等就之進軍於秭成武至彭城視鄆城較近胡

三省曰秭縣當在唐曹州界似亦因此紀要稱在縣南則誤

後漢兖州濟陰郡成武縣

建初四年益梁國
永元五年還屬

又山陽郡昌邑縣

地魏晉因之

劉宋徐州北濟陰郡城武縣後魏因之又西兖州濟陰郡乘氏

縣地

魏志乘氏有梁邱城

後魏城武縣移治故郛城縣城見魏志疑宋已治此

高齊西兗州永昌郡治成武縣

郡治疑在周因之改曹州成武故城

隋

曹州濟陰郡

成武縣開皇初廢永昌郡十六年置戴州於成武故

城大業二年州廢來屬

隋成武縣還舊治元和志成武縣隋於此置戴州大業二年

省戴州移理州城中按隋迄今縣未再徙證以水經注黃溝

支流

濟水篇

及黃溝

泗水篇

故道

詳水考

今治卽漢縣無疑蓋後魏

時縣治郛城至隋初未改於成武城置州州廢而復還舊治

耳通考稱縣爲隋縣不知縣名縣城皆漢之舊也

唐河南道

曹州濟陰郡

成武縣武德四年復於縣置戴州五年州徙

治金鄉縣仍屬貞觀十七年來屬光化二年屬輝州五代因之

輝州後唐

後曰單州

宋京東西路

單州碭郡

成武縣

金南京路單州成武縣

元直隸都省山東曹州成武縣

明山東布政司兗州府城武縣洪武四年屬濟寧府十八年屬

近志明鑄印訛成爲城按成城字古多通用宋魏志卽作城

武非明始作城字也

國朝山東布政司曹州府城武縣初因明舊雍正十三年屬

縣志

道光十年修
知縣袁章華

沿革漢高祖駐蹕文亭

縣西北二里有
土阜曰文亭山

以武功告成改楚邱爲成武按秦二世三年沛公將周勃
攻東郡尉於成武自是秦代縣名府志城武故城卽楚邱
城踵縣志而愈繆者 古蹟有關雞臺以爲春秋北杏之
會單伯鬪雞於其上有三冉故里以爲聖門三冉故居有
留董里以爲仲舒所留又有嚴子陵井史宏肇大礮於梁
邱城則以爲彭越所都皆無稽之談也

續山東考古錄卷之二十四

滄州葉圭綬子佩甫述

曹州府下

濮州

周衛鄆邑垂邑又名犬邱又越邑又曹洮邑又邲國後入衛

春秋莊公十三年單伯會齊侯宋公衛侯鄭伯於鄆杜注衛地今東郡鄆縣又昭二十年傳公孟縶奪齊豹鄆邑

又隱公八年宋公衛侯遇於垂左傳作犬邱杜注衛地今句陽縣東北有垂亭水經注引京相璠曰小成陽東五里有故垂亭按小成陽今堯陵其東有會邱疑卽犬邱

又桓公元年及鄭伯盟於越杜注近垂地名姑係此備考

又僖公八年公會王人齊侯宋公衛侯許男曹伯陳世子欵盟於挑杜注曹地水經注鄆城西南五十里有桃城

竹書紀年夏帝癸三十一年桀出奔三朶商師征三朶戰于

郟獲桀于焦門放之于南巢按此郟既近三朶卽周郟國或

夏舊國或三朶邑所未詳矣春秋僖公二十四年左傳管蔡

郟霍女之昭也按郟初都郟都縣後徙成陽詳寰宇記雷澤

縣周武王封季弟戴於郟今縣北三十里成都故城是也史路

成郟是也雷澤北三十故城是漢屬濟北晉屬東平後遷其陽曰成陽按屬濟北者乃後漢之成縣與濟陰之成陽無涉因杜預劉昭說而致誤也又注云寰宇記稱雷澤北有郟都故城誤漢止有成都屬山陽非此之郟與成陽按成都本以

郟之故都得名後始徙成之陽成都固非成陽然本成所始
封也山河兩戒考竟謂郟因衛逼自盛鄉遷於成陽又混入
周畿內成邑愈謬矣○寰宇記此條下引孔子行成之野亦
誤○春秋宣十年同盟於清邱杜注在濮陽縣東南水經注
引京相璠曰在濮陽縣東南三十里元和志稱在臨濮縣西
三十五里一統志云在開州東南七十里又僖十三年會於
鹹杜注濮陽縣東南有鹹城一統志稱在開州東南六十里
又成七年同盟於馬陵杜注在元城東南虞喜志林稱在鄆
城西北六十里今州西北境僅數里馬陵斷不在州境而近
志將清邱鹹馬陵皆係於州殊為失考惟瓠子河逕清邱在
洮後清邱當在洮東理或有參錯
也臨濮縣或謂卽古城濮邑亦無據

漢兗州濟陰郡鄆城縣成陽縣及句陽縣地垂又山陽郡城都

縣東境當有都關縣地

鄆城縣故城在東微南二十五里今舊城集

成陽縣故城在東南

里詳下

成都縣故城在東南

里水經注瓠子河東至濟陰句

陽縣爲新溝又東逕句陽之成陽城北

句陽成陽則小成陽城也

帝王世

紀曰堯葬濟陰成陽西北四十里是爲穀林余按小成陽在

成陽西南

舊本作北

半里許俗謔以爲囚堯城士安蓋以是爲堯

冢也又云瓠河又左逕雷澤北其澤藪在大成陽故城西一

十餘里卽舜所漁也澤之東南卽成陽縣故史記曰武王封

弟載於邠應劭曰其後乃遷於成之陽故曰成陽也地理志

曰成陽有堯冢靈臺今成陽西二里有堯陵雷澤西南十許

里有小山謂之歷山澤之東北有陶墟春秋隱公二年邠侵

衛京相璠曰廩丘縣南三十里有邠都城按成陽故城今無

址括地志濮州雷澤縣本漢成陽在州東九十一里元和志少一里

九域志作七十里寰宇記作五十里靈臺歷山今歷山廟姚墟土

人猶能指其處成陽城當在今州東南九十許里與荷澤接

界處九域志里數較準成都城在其北三十里當在州與范

縣接界處按堯陵如據酈氏在成陽西二里之說當在州東南九十許里今所謂堯陵在州東南三十五里即

穀林也道元又謂在成陽西南半里與四十里不符南半似四十之訛寰宇記堯城在鄆城東北五里東北似當作西南

後漢兗州濟陰郡鄆城縣成陽縣永元二年分濟陰於縣置成

城一作陽國六年國除懷王淑卒無子淑葬于京師蓋未就國也後漢末州來治鄆城

魏州治移廩邱鄆城未詳何屬補三國志據杜預東郡鄆城之說為魏鄆城已屬東郡之證意

謂晉已改東郡為濮陽國也不知太康十年濮陽王允移封淮南濮陽仍名東郡杜注左傳正在其時不足為魏鄆城改屬之

證黃初三年爲縣王國四年復故王植徙封雍邱七年復爲國太和十

年復故王林進封沛

晉兗州濮陽國卽漢東郡晉改鄆城縣又濟陰郡成陽縣及句陽縣地

東晉濟陰郡來治成陽後燕慕容垂徐州治鄆城

水經注稱鄆城爲沚州舊治考後漢末兗州治此魏晉皆治

廩邱是治此未久也但注又引晉八王故事曰東海王越治

鄆城無故自壞七十餘丈越惡之移治濮陽城又晉書永嘉

四年石勒東襲鄆城兗州刺史袁孚戰敗永和七年石祗兗

州刺史劉啟自鄆城奔晉又苻堅兗州刺史張崇棄鄆城奔

慕容垂是晉兗州治廩邱未久而常治鄆城矣後燕兗州移

梁父或東阿故其徐州治此

寰宇記雷澤縣本漢成陽縣晉南遷之後濟陰郡

或訛作縣字文周以

前無濟陰縣移理於此 又云宋無鄆城縣考東晉末劉牢之據

鄆城不久卽入於魏漢濟陰故地宋所未有不僅一縣也

後魏司州濮陽郡鄆城縣城陽縣又頓邱郡臨黃縣析衛國縣

置眞君三年省入衛國太和十九年復

臨黃縣故城在東北二十六里今臨黃集

高齊 州濮陽郡治鄆城縣省城陽及臨黃縣周因之

隋志鄆城舊置濮陽郡蓋齊自黎城徙此

隋鄆

州

鄆城縣雷澤縣

魏

州

臨黃縣開皇初廢濮陽郡六

東平郡

武陽郡

年復臨黃縣十六年於鄆城置濮州析置雷澤縣臨濮縣析臨黃置河上縣並屬之大業初州廢省臨濮入鄆城省河上入臨黃各來屬

元和志雷澤縣本漢成陽縣開皇六

上脫十字

年於此置雷澤縣

雷夏澤在縣北郭外厯山在縣北十六里與水經注方向里數皆不合王晦叔曰成陽故城西北爲雷澤縣則非卽成陽城矣而志又云堯陵在縣西三里又似卽成陽城者

臨濮縣故城在南六十里今臨濮集元和志本成陽縣地

河上縣故城無址可考紀要謂卽河牧城

詳雜考

唐河南道濮

陽州郡

治鄆城縣又雷澤縣臨濮縣武德四年復於

鄆城置濮州又復臨濮縣

新唐志失載復置臨濮茲據舊唐志

析鄆城置永定縣

析雷澤置長城縣安邱縣並屬之五年省長城安邱入臨濮入

年省永定入鄆城省廩城

見范縣

入雷澤又河北道澶州臨黃縣

武德四年屬莘州貞觀元年屬魏州大厯七年屬五代因之

永定縣故城在東南六十二里今永平集九域志雷澤有永

平鎮

長城安邱兩縣治無考

長城州境所無與安邱皆不解命

名之義曹魏城陽郡治東武長城在其南安邱鄰其北二縣

似因成陽而誤否則偶借爲名耳

宋京東西路濮

陽郡

州治鄆城縣又雷澤縣臨濮縣端拱初省臨

黃入觀城

臨黃城未詳何時析入鄆城

金大名路濮州治鄆城縣省雷澤臨濮入之爲鎮

通考濮州金隸山東大名路山東字衍又云金人僞廢雷澤臨濮二縣爲鎮金志鄆城有雷澤鎮臨濮鎮蓋金初廢

元直隸都省山東濮州治鄆城州初屬東平路至元五年析隸省部

明山東布政司東昌府濮州洪武二年廢鄆城縣其地直隸於州來屬附洪武初置濮州千戶所

明濮州卽今治明史景泰三年以河患徙於王村五代史後唐同光元年八月梁將段凝將全軍五萬營於王村自高陵

津在州東北濟河又明宗天成元年三月指揮使潘環守王

村卽此

國朝山東布政司曹州府濮州初因明舊雍正八年直隸布政司十三年降散州來屬裁千戶所

州志乾隆二十年修沿革秦以濮陽治東郡此本通典秦

滅濮陽卽衛國置東郡改二字便不通東漢易爲濟陰郡

置鄆城郡按錯繆不待言文義直不通楊帝分入東平

濟北三郡此本寰宇記脫一東郡石晉屬澶州按石晉

濮陽縣屬澶州鄆城自爲濮州治能屬澶州耶宋廢臨

濮濮陽二縣爲鎮隸鄆城按金廢雷澤臨濮並非宋廢臨

漢濮陽 金領縣四鄆城雷澤臨濮范按金州只領鄆城

范二縣 元隸行中書省多行字

以上舛繆而出而州境在某代爲某某縣繁不

之及此唐宋濮州沿革縱令不誤亦非今州志體裁古蹟穀林在東南九十里誤於

水經注成陽西半里之說 帝邱昆吾墟不在州境 古

胙國在古濮陽此杜撰

范縣

周魯秦邑高魚邑齊廩邱邑衛羊角邑陽晉邑

春秋莊公三十一年築臺於秦杜注東平范縣西北有秦亭

按今壽張之范城橋卽漢范縣今縣東二十里之范縣故城

在范城橋西北卽古秦邑蓋後魏分置者 晉書邵續使文

焉救劉演石虎退屯盛津關文焉亦弗進屯於景亭疑卽秦亭

高魚城當在東境 廩邱城卽漢縣 羊角城卽晉廩邱縣

春秋襄公二十六年左傳齊人城郊之歲二十四年其夏齊烏餘

以廩邱奔晉襲衛羊角遂襲我高魚杜注廩邱東郡廩邱縣

故城是羊角今廩邱縣所治羊角城是高魚廩邱東北又詳下

陽晉邑故城在東南 里戰國策張儀曰秦却衛取陽晉

漢兗州東郡廩邱縣及范縣地又山陽郡都關縣

廩邱縣故城在東南 里詳下

都關縣故城在南 里舊以鄆城漢黎縣爲漢廩邱治

因而羊角高魚陽晉都關諸城皆係鄆城繆矣水經注瓠子河篇濮水支渠逕小成陽城東垂亭西北入瓠河地理志曰濮水首受濟於封邱北至都關入羊里水者也

羊里水卽瓠河可證今濮

州東境有都關縣地

又按地理志山陽郡有都關縣今其城在廩邱城

西考地理山陽廩邱俱屬濟陰則都關無隸山陽理又按地理志鄆都亦是山陽屬縣而京杜考地驗城又並言在廩邱

城南推此而論似地志之誤或疆理參差所未詳又瓠河逕

雷澤北河之北卽廩邱縣也

其時成都省入也

縣南瓠北有羊角城

廩邱東北有故高魚城俗謂之交魚城謂羊角爲角逐城皆非也瓠河又逕陽晉城南在廩邱城東南一十餘里與都關

爲左右矣據此及所引京相璠運城古鄆城在廩邱東八十里

之說則廩邱城當在今范縣東南魏志廩邱有左伯桃冢

宇記左伯桃墓在范縣指秦城東南五十里新安村縣東南義

城寺東有左伯桃墓縣舊志羊角城一名義城是也新志以爲不知

何據此因羊左高義以名其城耳陽晉與都關爲左右則都關城當在廩邱

城西南十許里陽晉城當在縣與鄆城接界處史記正義以

唐縣當之誤也惟高魚城去廩邱城無里數或在鄆城西北

亦未可知前漢都關與山陽他縣不接壤道元疑之固是但

鄆都與都關雖隔廩邱疆理牙錯容相接也山陽廩邱山字

疑是成字之訛蓋山陽郡名不得云屬濟陰又廩邱前漢屬

東郡後漢方屬濟陰 紀要廩邱係范縣最合而都關係曹
州陽晉係曹縣盡取酈注核對之

後漢兗州濟陰郡廩邱縣及東郡范縣地魏徙州治廩邱廩邱
還屬東郡

補三國志東郡廩邱下漢屬濟陰王觀傳東郡廩邱人沈志
以爲後漢無此縣徵誤當云後漢屬濟陰爲是按廩邱前漢
本屬東郡魏復故耳

晉兗州治濮陽國廩邱縣州治縣之故城又東平國范縣地

晉廩邱縣故城在東南七十里本羊角城今義城寺

見晉志前

廩邱有羊角城有當作治蓋州治其故城遂徙縣治此疑魏

已徙也 劉宋無麋邱范縣寄治郡下今縣境非所有

後魏濟州東平郡范縣太常中析兗州東平郡范縣於秦亭城
置又於縣置東平郡太和末罷郡建義中復又司州濮陽郡治
麋邱縣郡治縣之黎縣故城今爲鄆城地晉武封子允爲濮陽王本東郡也以東不可以名國故改後徙封淮南仍名東郡趙王倫封廢太孫賊爲濮陽王又名濮陽後魏東郡治滑臺城於黎城別置濮陽郡高齊廢濟州之東平郡及范麋邱二縣與周末詳爲何縣地

後魏濟州范縣故城在東二十里

魏志麋邱下無羊角城當仍晉治

隋濟

北郡

范縣開皇十六年復置於秦城又

鄆州

東平郡

雷澤縣地

高齊兩范縣皆廢隋復置此范縣漢治遂廢近志不察並有

以此爲豢龍城者縱爲古范邑晉士會始食於范並非劉累所居縱累居此累爲夏后御龍豢龍當在夏都何得以范城爲豢龍城耶縣有龍王莊近志以爲豢龍地附會可哂

唐河南道濮

陽郡

范縣及雷澤縣地武德二年置范州四年置

廩城縣屬濮州五年范州廢范屬濟州貞觀八年屬省廩城入

雷澤縣五代因之

廩城縣治當即漢廩邱縣

新唐志稱於范縣置范州寰宇記范州領范一縣而舊唐志

云范州治昆吾城考昆吾城在直隸開州東二十五里范州

安得治彼乎或曰縣有顧國城

詳考

或州治顧城因韋顧昆

吾皆夏國名而誤歟備考

宋京東西路濮州范縣又雷澤縣地

金大名路濮州范縣

元直隸都省山東濮州范縣初屬東平路至元五年屬

明山東布政司東昌府濮州范縣洪武三年省尋復

明范縣卽今治明志洪武二十五年故城圯於河徙今治

國朝山東布政司曹州府范縣初因明舊雍正八年屬濮州直

隸州十三年屬

縣志

嘉慶十四年修
知縣唐晟

古蹟廩邱羊角皆在南七十里按廩

邱在羊角北去縣似當稍近廩邱曾治羊角此去縣里數
相同恐仍指羊角城也又云水保東南九里有廩邱陂新

安村卽義城在水保北五里此陂卽邾城廩邱陂隋於其
內漢黎縣故城置廩邱縣不足爲漢城之証如漢城在彼
反在羊角南矣修志者當據邾注再考 范舊城在東南
二十里秦臺在南三里按不知此舊治卽魯秦邑故不知
在南三里之秦臺出於附會也

觀城縣

夏觀國地周衛國地後人魏又入齊漢兗州東郡畔觀縣地後
漢改衛公國縣建安十七年屬魏郡魏屬陽平郡 三國魏志樂
進陽平衛國
人補三國志仍晉司州頓邱郡衛縣地後魏衛國縣地 後漢志
屬魏郡殊失考
國而縣名第稱臨黃縣地真君三年并有臨黃尋復置齊周因
衛國非始後魏

之隋魏州觀城縣地開皇六年改衛國曰觀城又臨黃縣地

唐河北道澶州觀城縣地臨黃縣地貞觀十一年省觀城入昌

樂臨黃大歷十七年復五代因之

夏觀國周衛觀邑漢畔觀縣後漢衛公國縣晉衛縣後魏衛

國縣隋唐五代觀城縣故城在今直隸大名府清豐縣南五

里在縣西南五十里竹書紀年夏啟十一年王放季子武觀

於西河注武觀卽五觀也今頓邱衛縣紀年考證曰此注及

七字近本皆細書分行係於紀下考始平頓邱皆晉郡名二

段自是休文注說否則晉人校詞而沈述之按惟晉名衛縣

不獨二郡漢志畔觀下應劭注夏有觀扈謂此卽觀扈之觀

名尼據也經注引此接云卽此城也本欠分晰元和志觀城古之觀國

國語注曰夏啟子太康第五弟所封也在衛縣夏相滅之按水經注云武觀蓋其名也武觀第五以封於觀故謂之五觀

也後漢志衛公國下云本觀故國姚姓山河兩戒考以爲姚

當作妣理或然也

詳氏續謂卽埭灌考埭灌近濰水必非此地或謂自此遷彼無據詳濰縣紀

紀

年惠成王二年齊田騫伐我國觀觀降

我字水經注及路史引皆作趙字誤也

通鑑周顯王元年齊伐魏取觀津胡注以爲畔觀縣最當或

因此而以觀城爲信都觀津縣失之遠矣 元一統志畔觀

故城在觀城縣西安定鄉畔觀村考縣西七里卽直隸清豐

縣界並無此城據水經注衛國縣與濮陽分水衛國在水北

濮陽在水南濮陽故城在開州東南三十里當在今濮州西

六十里

元和志潁州西八十里其時州治故鄆城縣也

衛國故城當在濮州西北

五六十里清豐境內唐省觀城復置於觀城店

見舊唐志

自漢迄

隋未徙治

魏志衛國有衛國城考水經注浮水逕國邑城北字誤作城北又東逕衛國縣故城北蓋漢封衛公

於此為周後與縣不同城其故城在清豐西南十五里魏志所有指此城非徙治

元和志觀城縣西

至澶州所治頓邱縣僅二十四里頓邱故城在清豐西南二

十五里清豐南五里有古城

宋慶厯中清豐曾治此

西去頓邱故城二

十四里非觀城縣而何特以今縣與故城分隸兩布政司而

其城又曾為清豐治

清豐本唐析昌樂頓邱置其故城在今清豐西北十八里宋徙觀城故城嘉祐

中又徙國邑故城後始徙今治故知者少耳

宋河北東路開德府澶

州

觀城縣皇祐元年省入濮陽頓邱

四年復

宋觀城縣卽今治寰宇記澶州觀城縣在州東北七十里九

域志作九十里考五代梁貞明時晉王存勗遣李存審於德

勝渡築南北二城通鑑胡注兩城相距三十里

兩城在黃河兩岸其時河

廣如

是石晉天福三年移澶州治南城

頓邱縣並徙

宋熙寧十年圮

於水徙北城然南北二城宋時皆稱澶州城北城至今縣七

十許里南城至今縣九十許里故寰宇記九域志里數不同

北城卽今直隸開州城至今縣百里疑石晉時已徙治於此

故宋志不載徙治事觀錄據寰宇記疑宋初治縣南二十里

之古城據九域志謂徙今治蓋不知所指州城不同也又因

十里之差疑元豐後又徙泥矣

寰宇記觀城古蹟大抵因舊未改如衛靈公墓在南四十

里卽元和志文最足貽誤

金大名路開州觀城縣

元直隸都省山東濮州觀城縣

明山東布政司東昌府濮州觀城縣洪武二年省尋復

國朝山東布政司曹州府觀城縣初因明舊雍正八年屬濮州

直隸州十三年來屬

縣志

道光十七年修知縣孫觀

志大抵原本觀錄雖欠精核頗詳贍

朝城縣

漢東武陽縣地後漢初平二年於此築新城移東郡及縣來治

建安十七年縣屬魏郡

東郡指還治濮陽縣

魏東武陽縣屬陽平郡黃初

六年爲縣王國是年復故

王鑒卒無後

三國志魏紀初平二年袁紹表太祖爲東郡太守治東武陽

據水經注治東武陽新城也

許下

又水經注引魏土地記曰倉

亭津在東武陽東北七十里東阿西南六十里如東武陽猶

在故城

莘縣南

則倉亭津不能在其東北是新城築而縣並徙

也 又魏紀建安十七年割東郡東武陽益魏郡

晉司州陽平郡東武陽縣後魏除東字高齊廢周復置屬毛州

陽平郡

晉書升平二年泰山太守諸葛攸攻燕東郡入武陽益燕復

名東郡疑復治武陽也

隋魏州武陽縣

唐河北道魏州朝城縣貞觀十七年省武陽入臨黃及莘縣永

昌元年置武聖縣於此開元七年改今名元和中屬澶州後屬

天祐三年復名武陽五代復今名

宋河北東路開德府澶州朝城縣初因唐舊崇寧四年屬

水經注河水逕委粟津浮水入河於東武陽縣又有漯水出

焉水上承河水於武陽縣東南西北逕武陽新城東曹操爲

東郡所治也引水自東門石竇北注於堂池中城內又立一

石甚大城西門名冰井門門內曲中冰井猶存門外有故臺

號武陽臺市臺亦有隅雉遺跡自城東北逕東武陽縣故城

南按元和志朝城縣武水

即

在東十步黃河在東二十九里

武陽臺在西南一里是唐朝城縣即東武陽新城無可疑者

今縣東二十餘里接陽穀界有古沙河即河水自范縣秦城

西委粟津東北流故道與黃河在東二十九里合城西南三

里有武陽臺俗曰會盟臺城西二里名舊縣坡與武陽臺在

西南一里合城西有小河自東南來即漯水分水入城遺跡

今治又即唐朝城縣亦無可疑者蓋古有中外兩城城甚大

唐時猶有外城

元和志扁鵲墓在羅城內即外城

今治蓋其中城故武陽臺

在三里外舊縣坡在二里外也但舊唐志昌樂下有故朝城

紀要稱唐縣在縣西四十里韓張店

九城志朝城鎮一曰韓張

其地東去

黃水漯水故道皆太遠其誤甚明宋史河渠志云明道二年

移朝城於社婆鎮紀要謂即今治但地志不載未敢從存疑

俟再考

紀要稱縣南十七里有古朝城唐名縣以此與舊唐志在昌樂之說亦不符府志稱東武陽故城在東南

武陽臺不能在其西門外似誤魏武為東郡水并武陽臺皆在新城後漢書注袁字記皆混入故城兩貢雖指亦混引水

自東門注於堂池於故城近志不足資矣

金大名路大名府朝城縣

元直隸都省山東濮州朝城縣初屬東平路至元五年屬

明山東布政司東昌府濮州朝城縣洪武三年省尋復

舊縣志稱洪武五年城圯於水徙今治考今治有宋元人建

學碑非明徙矣此與朱明道徙治之說或皆暫避水患旋返
故地歟

國朝山東布政司曹州府朝城縣初因明舊雍正八年屬濮州
直隸州十三年屬

縣志康熙十二年修知縣祖植桐沿革漢興以二千石領之是謂前漢

東郡已治此矣繆 隋武陽郡繆

曹州府補遺

荷澤縣

元史百官志大德二年置曹州長官司掌民一百有五戶

曹縣

山河兩戒考楚邱凡五隱七年戎伐凡伯於楚邱蓋戎州己氏
邑僖二年城楚邱注曰衛邑不言城衛衛未遷此楚邱魯自城
之與書城中邱城小穀同故不言城衛程畏齋曰楚邱魯地子
貢詩傳僖公城楚邱以備戎史克頌之賦楚宮是也襄十年左
傳宋公享晉侯於楚邱杜無注當屬宋今在歸德府北四十里
也水經注曰晉幽公二年魯季孫會晉幽公於楚邱卽葭密遂

城之在曹縣西北三十里按子貢詩傳係偽書不足據且城以備戎亦當與戎州相近歸德之北與縣接壤是數十里內有三楚邱恐無此理水經注引紀年文本作取葭密蓋葭密之西數十里卽衛楚邱此五楚邱仍兩楚邱耳葭密不在曹縣 括地志貫城在濟陰縣南三十里唐濟陰治左城貫城亦當在縣西北矣史記齊宣公伐衛取母邱山河兩戒考謂貫卽母邱此城在曹宋之間似不能爲衛地當從杜注

定陶縣

後漢書耿純傳父艾爲王莽潁平尹注莽改定陶國爲潁平也按地志濟陰郡無莽名而宛句縣下稱莽改定陶爲潁平改宛

句爲濟平亭如爲郡守當稱大尹艾當是定陶縣令耳

又獻帝興平二年曹操襲定陶濟陰太守保南城按唐以前州郡與所治縣多不同城卽以山東論漢千乘郡有南北二城齊郡有東西二城膠東高密東平濟北並別有國城此濟陰郡有南城必有北城當亦一郡城一縣城也平原故城舊唐書與括地志互異並見前或亦郡縣異城乎東莞郡城後名團城非東莞

縣城也東安郡城在蓋縣境非東安縣城亦非蓋縣城也長廣郡別有郡城非長廣縣城也晉兗州治廩丘故城濟北國治盧子城青州別築廣固城及東陽城劉宋兗州治瑕丘故城陽平郡治平陸故城濟北郡治故肥城高密郡治桑犢故城僑魏郡

治故臺縣城平原郡治故梁鄒城廣川郡治廣川郡城高陽郡
治高陽郡城勃海郡治臨濟故城後魏陽平郡治故館陶城滄
州安德郡別治郡城南清河郡治莒城蘭陵郡治故承城沛郡
治孝昌城平昌郡治嶧城故城齊州有東西二城北徐州別築
州城南青州治團城高齊長廣郡治中郎城永昌郡治成武故
城故隋志惟瑕邱陽信卽邱三縣書帶郡餘不帶郡可知惜不
可盡考耳唐以後所治縣始並倚郭此地理家所當知也

鉅野縣

齊書皮景傳鄭子饒破乘氏縣是乘氏齊末猶未廢或周省也

單縣

單父呂氏春秋作亶父魏王僧墓銘作善甫

後漢書宦者傳侯覽封高鄉侯覽本防東人唐之高鄉縣卽覽封邑矣

宋書薛安都傳申坦求同軍討任椿安都當回左城左城去滑臺二百餘里安都以去虜鎮近軍少不宜分行至東坊城遇任椿三騎云云按左城在今曹縣任椿在任城東坊卽坊東城矣舊五代史杜晏球傳梁末帝時授單州刺史按後唐改輝州爲單州梁無單州也新史作澶州

城武縣

山河兩戒考部國杜注在武城劉君難杜曰郛城北郛城俱是

成武縣東南相去不遠何爲郛國何爲宋邑孔仲達曰劉以南
郛北部並宋邑別有郛國以規杜氏郛國竟在何處按此兩郛
自是一宋邑一郛國劉氏謂兩皆宋邑似亦無據路史云今登
封縣有廢郛城是爲南部考在登封者漢陽城縣唐武氏改名
告成若杜佑謂考城爲南部則以考郛音近而云然不足據

路史引括地志重邱在成武東北三十一里按在成武東北者
乃梁邱非重邱又謂重邱在濟陰東北三十一里卽括地志成
武之重邱更謬

隋書于仲文傳尉遲迴所署曹州刺史李仲康屯城武別將高
士儒屯永昌又仲文上書有云安城武定永昌蓋是時城武猶

治部城而永昌郡治城武城也

濮州

五代史翟光鄴傳濮州鄆城人父景珂梁晉相距於河上景珂率邑人守永定驛晉人攻之踰年不能下卽唐永定縣城矣九國志侯瓚城濮人初從黃巢爲賊後仕梁終滁州刺史按唐無城濮縣梁諱城字縣名有城字者多改又不應有此縣名當是臨濮之訛也

元史世祖紀憲宗己未夏五月駐小濮州商挺申屠致遠傳稱小濮李昶傳稱濮州按小濮州今開州東南六十里古定鎮

范縣

後魏濟州東平郡治范縣提綱肱載治字